

Nr. Prot. 083/B/19**VENDIM Nr. 1419****Për****‘Vazhdimin e së drejtës së shfrytëzimit të resurseve Frekuencore****2x10 MHz (890 - 900 & 935 - 945 MHz) në brezin 900 MHz****dhe****2x25 MHz (1760 - 1785 MHz & 1855 - 1880 MHz) në brezin 1800 MHz****për operatorin Telekom i Kosovës Sh.A’**

Në mbështetje të nenit 3, nenit 9, paragrafi 3), nën-paragrafët 3.3), 3.5), 3.6) dhe 3.7), nenit 10, paragrafët 12) dhe 14), nenit 45 paragrafi 1) dhe 2), neni 46, paragrafi 1), paragrafi 2.2) dhe paragrafi 5), neni 47, paragrafi 1) dhe paragrafi 4), neni 48 paragrafi 1.1), nenit 49, paragrafi 1.2), neni 54 paragrafi 2, nenit 79 paragrafi 1) dhe paragrafi 2) të Ligjit Nr. 04/L-109 për Komunikimet Elektronike (*tutje referuar si; Ligji ose LKE*); Neni 9) paragrafi 9.4.1), neni 14 paragrafi 14) nën-paragrafi 14.1) dhe nën-paragrafi 14.6.4) i Rregullores Nr. 22 për Dhënien dhe Shfrytëzimin e Radio Frekuencave; Neni 5 të Rregullores Nr. 35 për “Pagesat vjetore për mbikëqyrje dhe për të drejtën e përdorimit të radio frekuencave; Planit Kombëtar të Shpërndarjes së Spektrit Frekuencor i miratuar nga Kuvendi i Kosovës sipas vendimit Nr. 04-V-93, dt. 23 Qershor, 2013 (*Tabelës së Shpërndarjes dhe shfrytëzimit të radio frekuencave*); Planit e shpërndarjes dhe shfrytëzimit të brezeve 900 MHz dhe 1800 MHz të miratuar me Vendimin nr.1337 (*Ref. Nr.Prot.022/B/19*); Planit për Hapjen e Brezeve me vlerë të posaçme ekonomike për shërbimet IMT ”(*Ref. Nr. Prot. 047/B/19 Dt. 08/05/2019*); Dokumentit “Konkluzionet e ARKEP - Ripërtrirja e autorizimeve individuale për të drejtën e shfrytëzimit të kapaciteteve frekuencore në brezet 900 dhe 1800 MHz për operatorët “Telekomi i Kosovës” SH.A. dhe IPKO Telecommunications LLC (*Ref. Nr.Prot.066/B/19*); Vendimit Nr.452 (*Ref. Nr.Prot.002/B/14; dt.13/02/2014*) për kufizimin e numrit të autorizimeve për shfrytëzimin e resurseve të komunikimeve elektronike-Radio Frekuencat; Vendimit Nr.400 (*Ref.Nr.Prot.031/B/13; dt.04/10/2013*) për liberalizimin e mëtutjeshëm të shërbimeve mobile brezgjëra përmes lejitimit të përdorimit të teknologjive të reja që mundësojnë shërbimet e avancuara mobile brezgjëra; si dhe në bazë të nenit 13, paragrafët 1) dhe 5) të Statutit (*Ref. Nr. Prot. 161/06*) të Autoritetit Rregullativ të Komunikimeve Elektronike dhe Postare (*tutje referuar si; ARKEP ose Autoriteti*), Bordi i ARKEP i përbërë nga;

- 1) z. Kreshnik Gashi, Kryetar
- 2) z. Nijazi Ademaj, Anëtar
- 3) z. Hazir Hajdari, Anëtar
- 4) z. Bahri Anadulli, Anëtar
- 5) z. Shqiprim Pula, Anëtar

në mbledhjen e 43-të me radhë të mbajtur më datë 25 Korrik 2019, në përmbyllje të procedurës për ripërtrirjen e autorizimit për ripërtrirjen e autorizimit për kapacitetet frekuencore në brezet 900 dhe

1800 MHz, pas shqyrtimit të aplikacionit të operatorit Telekom i Kosovës Sh.A (Ref. Nr.Prot427/2/19; dt.15/07/2019; Nr.Prot.446/2/19 dt.25/07/2019), si dhe rekomandimit të Komisionit të ARKEP të themeluar me Vendimin nr.1382 (Ref. Nr.Prot.052/B/19), Bordi i ARKEP Vendosi si më poshtë:

V E N D I M

- I. Aprovohet kërkesa e Telekomit të Kosovës Sh.A. për ripërtrirjen e autorizimit për dhënien e së drejtës së shfrytëzimit të radio spektrit frekuencor me kapacitetet si në vijim:
 - a) **2x10 MHz në kuadër të brezit frekuencor 900MHz (890 - 900 & 935 - 945 MHz);**
 - b) **2x25 MHz në kuadër të brezit frekuencor 1800 MHz (1760 - 1785 & 1855 - 1880 MHz).**
- II. Resurset frekuencore të specifikuara në pikën I) të këtij vendimi caktohen në shfrytëzim sipas parimit të neutralitetit teknologjik dhe do jenë në dispozicion për shfrytëzim efektiv komercial për periudhën 20 vjeçare me fillim nga data **31 Korrik, 2019** deri më **30 Korrik 2039**.
- III. Obligohet operatori Telekom i Kosovës SH.A. që për shfrytëzimin e resurseve frekuencore të caktuara në pikën I) të këtij vendimi të zbatojë kushtet dhe kriteret e përcaktuar në Shtojcën 1 të këtij Vendimi.
- IV. Obligohet operatori Telekom i Kosovës Sh.A që në emër të vazhimit të shfrytëzimit të blloqeve frekuencore të caktuara në pikën I) të këtij vendimi, si dhe me kohëzgjatje sipas pikës II) të këtij vendimi, të kryejë pagesat sipas vlerave dhe mënyrës së përcaktuar në Shtojcën I të këtij Vendimi.
- V. Miratohet SHTOJCA I - Autorizimi Individual për Vazhdimin e së drejtës së shfrytëzimit të resurseve frekuencore në brezet 900 dhe 1800 MHz për operatorin Telekom i Kosovës sh.a.
- VI. Ky vendimi është përfundimtar dhe hyn në fuqi në ditën e nënshkrimit.

ARSYETIMI

Neni 1 i LKE-së përcakton se: “Qëllimi i këtij ligji është rregullimi i aktiviteteve të komunikimeve elektronike bazuar në parimin e neutralitetit teknologjik dhe kornizën rregullatore të BE-së për komunikimet elektronike, duke promovuar konkurrencën dhe infrastrukturën efikase në komunikimet elektronike, si dhe garantimin e shërbimeve të duhura e të përshtatshme në territorin e Republikës së Kosovës.”

Po ashtu neni 3, paragrafi 1) i LKE-së specifikon që: “Rregullimi i aktiviteteve të komunikimeve elektronike duhet të bazohet në parimet e menaxhimit dhe përdorimit efektiv të burimeve të kufizuara, neutralitetit teknologjik, ekuivalencës funksionale, proporcionalitetit, rregullimit minimal

të domosdoshëm, sigurisë ligjore në një treg dinamik, zhvillimit ekonomik, duke siguruar konkurrencë efektive, mbrojtje të drejtave të konsumatorit, objektivitet të kriterëve, kushteve dhe procedurave rregullatore, transparencë dhe mos diskriminim.”

Më tutje neni 10 i LKE-së definojnë kompetencat e ARKEP në kuadër të së cilave është edhe menaxhimi i resurseve të fundme: spektri i radio frekuencave dhe hapësirën e numeracionit në komunikimet elektronike, që në mënyrë detajuar është specifikuar në Kapitullin VII të LKE-së.

Në mënyrë të veçantë, në nenet 46 deri 51 të LKE-së është përcaktuar procedura e dhënies në shfrytëzim të resurseve të kufizuara. Neni 48 i LKE-së ka përcaktuar 3 mënyra të dhënies së resurseve të kufizuara: dhënia e drejtpërdrejtë, përmes tenderit dhe ankandit, kurse neni 54 përcakton kushtet për shfrytëzimin e radio- frekuencave (kanaleve).

Marrë parasysh faktin se Telekom i Kosovës Sh. A si operator ekzistues e ka të shtrirë rrjetin e tij në tërë territorin e Republikës së Kosovës, mund të konkludohet se shfrytëzimi i spektrit frekuencore në kapacitet ekzistuese frekuencore është duke u bërë në mënyrë efikase.

Prandaj, në përputhje me rekomandimin e kompanisë konsulente, komenteve të pranuar nga operatorët, si dhe me qëllim të ruajtjes së kontinuitetit të ofrimit të shërbimeve për përdoruesit fundorë, ruajtjes së konkurrencës, ARKEP duke marrë si bazë çmimin “One-Off” të përcaktuar si pjesë të procesit të konsultimit publik do t’i ripërtërije autorizimin individual për operatorin në fjalë sipas mënyrës së drejtpërdrejtë, duke mundur vazhdimin e shfrytëzimit të këtyre kapaciteteve frekuencore.

Për më tepër, dhënia e drejtpërdrejtë është e përshtatshme pasi që këto dy breze frekuencore janë esenciale për Telekomin e Kosovës Sh. A. që të vazhdojë të ofrojë shërbimet e tyre për përdoruesit fundorë. Në anën tjetër ky operator nuk ka breze alternative për të përmbushur kërkesat e përdoruesve të tyre. Dhënia e këtyre resurseve frekuencore përmes ankandit ose tenderit (Beauty Contest) do të ndikonte në pasigurinë dhe rrezikun potencial që operatori në fjalë mund të humb një pjesë të spektrit të saj, e cila nga ana tjetër do të kishte një ndikim negativ në cilësinë e shërbimit. Pasiguria mund të pengojë gjithashtu investimet nga operatori në shtrirjen e rrjetit dhe vendosjen e shërbimeve të reja, të cilat mund të kenë një ndikim të dëmshëm në këtë sektor, duke shkaktuar probleme serioze ekonomike dhe sociale.

Në anën tjetër, dokumenti i miratuar nga QeK "Politikat e Sektorit të Komunikimeve Elektronike-Agjenda Digjitale për Kosovën 2013-2020' (tutje referuar si - Politikat e Sektorit) në kuadër të zhvillimit të infrastrukturës së komunikimeve elektronike ka përcaktuar objektiven si në vijim:

“Objektivi i parë është që të sigurohet zhvillim konsistent në kuptimin gjeografik i rrjeteve të komunikimeve elektronike brez gjëra (broadband) në tërë territorin nacional dhe promovimi i përdorimit të shërbimeve të komunikimeve elektronike (“Objektivi 1 i Prioritetit 1”).”

Në mënyrë specifike Politikat e Sektorit kanë përcaktuar që deri në fund të vitit 2020, rreth 100% e qytetarëve/konsumatorëve duhet të kenë qasje në shërbimet brez gjëra me shpejtësi së paku 30 Mbps.

Rregullorja nr. 22 për dhënien dhe shfrytëzimin e radio frekuencave (Ref. Nr. Prot. 054/B/13), neni 9 (Vazhdimi i periudhës së vlefshmërisë për të drejtën e shfrytëzimit të radio frekuencave), paragrafi 9.4.1 përcakton si në vijim: “Të vazhdohet periudha kohore e vlefshmërisë për shfrytëzimin e radio frekuencave në rast se shfrytëzuesi i ka respektuar kushtet për shfrytëzim të radio frekuencave për tre vitet e kaluara dhe ekziston njëri nga rastet e mëposhtme.

Neni 9.4.1.2 përcakton që: “Radio frekuencat për të cilat është pranuar kërkesa për vazhdim të periudhës kohore të shfrytëzimit, janë përdorur për ofrimin e komunikimeve në rrjete publike dhe ndryshimi i shfrytëzuesit të këtyre radio frekuencave mund të ngrit probleme serioze ekonomike, sociale apo aktivitete të ndërlidhura tek shfrytëzuesit e rrjetit publik telekomunikuese dhe/apo shërbimeve të komunikimeve elektronike. Ky paragraf do të jetë i aplikueshëm vetëm në rast kur kushtet e tjera nuk janë ndryshuar gjatë ndërrimit të periudhës kohore për shfrytëzim të radio frekuencave.”

Me Vendimin nr. 452 (Ref. Nr. Pro. 002/B/14 dt 13.02.2014.) ARKEP ka përcaktuar brezet frekuencore për shërbimet përkatëse, për të cilat numri i autorizimeve është i kufizuar, ku në kuadër të tyre përfshihen edhe brezet 900MHz dhe 1800 MHz.

Plani Kombëtar i Radio Frekuencave, i miratuar nga Kuvendi i Republikës së Kosovës (Ref. Vendim Nr. 04-V-93) ka përcaktuar që brezet frekuencore 900 MHz (880 -915 & 935 -960 MHz) dhe 1800 MHz (1710–1785 & 1805-1880 MHz) janë alokuar për shërbimet mobile IMT për nevoja të ofrimit të rrjetave dhe shërbimeve të komunikimeve elektronike mobile.

ARKEP me Vendimin nr.1337 (Ref. Nr.Prot.022/B/19) ka miratuar Planet e shpërndarjes dhe shfrytëzimit te brezeve 900 MHz dhe 1800 MHz:

- i. Plani i shpërndarjes dhe shfrytëzimit të brezit të radio frekuencave 880-915 & 925-960 MHz, për sistemet celulare tokësore GSM, UMTS, LTE , WiMAX dhe IoT;
- ii. Plani i shpërndarjes dhe shfrytëzimit të brezit të radio frekuencave 1710- 1785 & 1805 - 1880 MHz për sistemet celulare taksore GSM, UMTS, LTE , WiMAX dhe IoT.

ARKEP përmes dokumenteve të hartuara dhe publikuara në WEB faqen e tij si në vijim:

- Plani për Hapjen e Brezeve me vlerë të posaçme ekonomike per shërbimet IMT “(Nr. Prot. 047/B/19 Dt. 08/05/2019),
- Dokumentit “Konkluzione nga këshillimi publik i dokumentit - Plani për hapjen e brezeve” (Nr. Prot. 048/B/19 Dt. 08/05/2019),

ka informuar palët e interesit lidhur me fazat dhe afatet për hapjen e brezeve frekuencore me vlerë të posaçme ekonomike për shërbimet IMT, **përfshirë ripërtëritjen e autorizimeve individuale** për resurset ekzistuese në brezet 900 dhe 1800 MHz në shfrytëzim nga operatorët e Telekomit i Kosovës Sh. A. dhe IPKO Telecommunications LLC, i cili pritet të realizohet në gjysmën e parë të vitit 2019 sipas metodës së drejtpërdrejtë.

ARKEP me Vendimin nr.1401 (Ref. Nr.Prot. 065/B/19; dt 01/07/2019), pas procedurës së konsultimit publik me palët e interesit (Ref. Vendimi nr.1388; Nr.Prot.056/B/19) ka miratuar dokumentet:

- I. Konkluzionet e ARKEP për Ripërtërirjen e Autorizimeve Individuale për të drejtën e shfrytëzimit të kapaciteteve frekuencore në brezet 900 MHz dhe 1800 MHz për operatorët “Telekomi i Kosovës” Sh.A. dhe “IPKO Telecommunications” LLC.
- II. “Përgjigjet në Komentet e Operatorëve nga Këshillimi Publik i Dokumentit Ripërtërirjen e Autorizimeve Individuale për të drejtën e shfrytëzimit të kapaciteteve frekuencore në brezet 900 MHz dhe 1800 MHz për operatorët “Telekomi i Kosovës” Sh.A. dhe “IPKO Telecommunications” LLC.

Bazuar në dokumentet e mësipërme dhe marrë parasyshë rekomandimin e konsulencës ndërkombëtare, ARKEP ka ardhur në përfundim se vlera e pagesës së njëhershme “One-Off” për resurset frekuencore për brezet 900 dhe 1800 MHz që do të jenë objekt i ripërtërirjes së autorizimeve individuale janë dhënë në tabelën në vijim.

Tabela 1: Çmimi i pagesës së njëhershme “one-off” për resurset frekuencore të shprehur në €/MHz/Pop.

| Brezi frekuencor | Çmimi “On off” €/MHz/popullsia | Periudha kohore e Autorizimit |
|------------------|-----------------------------------|----------------------------------|
| 900 MHz | 0.1410 | 15 vjet |
| 1800 MHz | 0.0705 | 15 vjet |

Çmimi i spektrit frekuencore për periudhën 15 vjeçare llogaritet sipas formulës:

$$CS = C_{MHz/POP} \times BW_{MHz} \times P_{mbuluar}$$

CS- Çmimi i spektrit; $C_{MHz/POP}$ - Vlera e spektrit prej 1 MHz për popullësi; $P_{mbuluar}$ - numri i popullsisë Të vendit (sipas regjistrimit të fundit/të dhënave zyrtare nga ASK numri i popullsisë është 1,795,666¹)

Llogaritja e vlerës së spektrit frekuencore me kohëzgjatje të ndryshme nga periudha 15 vjeçare, pra për N vite ($10 \leq N \leq 20$) kalkulohet sipas formulës:

$$Vlera\ e\ Spektrit_N = \frac{Vlera\ e\ Spektrit\ 15vjet}{\sum_{t=0}^{14} \left(\frac{1}{1+WACC}\right)^t} * \sum_{t=0}^{N-1} \left(\frac{1}{1+WACC}\right)^t$$

¹ <http://ask.rks-gov.net/media/4892/vler%C3%ABsimi-i-popullsis%C3%AB-2018.pdf>

Operatorët përveç mundësisë së pagesës së përnjëhershme “one-off”, kanë pasur mundësinë që të përzgjedhin një nga opsionet e ndarjes në këste si më poshtë, për të cilin do të paguajnë normë interesi respektiv të dhënë në këtë tabelë në kolonën mesatarja e baraspeshuar.

Tabela 2: Normat e interesit për ndarjen në këste.

| Instrumenti (Obligacioni)/ndarja në këste “D” | Norma e interesit e bazuar në Mesataren e Baraspeshuar “i” (%) |
|--|---|
| Ndarja në këste 2 vjeçare | 1.24507 |
| Ndarja në këste 3 vjeçare | 1.27999 |
| Ndarja në këste 5 vjeçare | 2.44155 |
| Ndarja në këste 7 vjeçare | 3.51486 |
| Ndarja në këste 10 vjeçare | 5.28238 |

Ndërsa përlogaritja e pagesës vjetore llogaritet sipas formulës në vijim.

Nëse autorizimi është për N vite dhe pagesa “one-off” do të bëhet sipas D - viteve për kohezgjatjen e autorizimit (N vite), atëherë pagesa vjetore për vitin e parë llogaritet:

$$P1 = \frac{Vlera\ e\ Brezit_D}{D}$$

Ndërsa pagesa në keestet tjera (D-1 këste të barabarta) llogaritet si në vijim:

$$Pagesa\ Vjetore = (Vlera\ e\ Brezit_D - P1) \times \frac{i}{1 - (1 + i)^{1-D}}$$

Ku i - është norma e interesit e bazuar në Mesataren e Baraspeshuar e shprehur për D-1 vite.

D - Numri i kësteve vjetore

Në përputhje me dokumentet e referuara më lartë, ARKEP ka kërkuar nga operatorët që deri me datë 15 Korrik 2019 të dorëzojnë aplikacionet dhe kërkesat për ripërtrirjen e autorizimeve dhe deri më datë 25 korrik 2019 të konfirmojnë ndryshimet eventuale (Ref. E-mail: Wednesday, July 10, 2:02 PM).

Më datë 15 Korrik 2019 operatori Telekom i Kosovës sh.a. ka dërguar në ARKEP aplikacionin për ripërtrirjen e autorizimit (Ref. Nr.Prot.427/2/19) për kapacitetet ekzistuese në shfrytëzim në brezet 900 dhe 1800 MHz për periudhën 15 vjeçare dhe me pagesë në gjithësej 7 këste vjetore. Më datë 25 Korrik 2019 operatori e ka dërguar kërkesën dhe aplikacionin e modifikuar (Ref. Nr.Prot.446/2/19) ku ka kërkuar shfrytëzimin e kapaciteteve frekuencore në fjalë me kohëzgjatje 20 vjeçare dhe me pagesë prej 10 këstesh, prej nga rezulton se norma e interesit e bazuar në Mesataren e Baraspeshuar (në %) për këtë periudhë është 5.28238%.

Përcaktimi i blloqeve frekuencore në kufijtë dhe rangun e shfrytëzimit të kapaciteteve frekuencore (edges frequency adjustment blocks) për brezet: 900 MHz dhe 1800MHz është bërë në përputhje me Planet e përdorimit të miratuar me Vendimin nr. 1337 (Ref. Nr.Prot.022/B/19).

Prandaj, marrë parasysh sqarimet e shpalosura si më lartë si dhe me qëllim të;

- Përmbushjes e prioriteteve dhe objektivave të përcaktuara sipas politikave për zhvillimin e qëndrueshëm të sektorit të komunikimeve elektronike;
- Nxitjen e investimeve efektive në infrastrukturën e komunikimeve elektronike dhe zhvillimet e reja teknologjike për një kualitet më të lartë të produkteve të tyre.
- Plotësimin të kërkesave të ndërmarrësve/operatorëve për resurse frekuencore duke ofruar fleksibilitet, ndarja dhe efikasiteti në shfrytëzimin e resurseve frekuencore;
- Nxitjen e një konkurrence sa më efektive në tregun e komunikimeve elektronike; si dhe
- E drejta e shfrytëzimit të resurseve frekuencore mbi bazën e legjislacionit në fuqi, përfshirë, rregullat për dhënien, transferimin, rinovimin, modifikimin dhe tërheqjen e së drejtës së shfrytëzimit të resurseve frekuencore, në mënyrë që të garantohet siguria, konsistenca dhe para shikueshmëria rregullatore.

Atëherë, Bordi i Autoritetit ka vendosur sikurse në dispozitiv të këtij aktvendimi.

Këshilla Juridike;

Kundër këtij vendimi nuk lejohet ankesa por mund të hapet konflikt administrativ në Gjykatën kompetente në afatin prej tridhjetë (30) ditësh nga dita e pranimit të këtij vendimi.

Prishtinë, 30/07/2019

Autoritetit Rregullativ i Komunikimeve Elektronike dhe Postare

**Kreshnik Gashi
Kryetar i Bordit**

Aktvendimi i dërgohet;

- Operatorit, Telekomit i Kosovës Sh.A;
- Departamenteve DMF, DKE, DRMI, DL dhe Zyrës së Financave
- Departamentit të Postë-Telekomunikacionit dhe Teknologjisë, Ministria e Zhvillimit Ekonomik;
- Arkivit, ARKEP

SHTOJCA I
Autorizimi Individual

**për Vazhdimin e së drejtës së shfrytëzimit të resurseve frekuencore në brezet 900 dhe 1800 MHz
për operatorin Telekom i Kosovës sh.a.**

- 1) Autoriteti Rregullativ i Komunikimeve Elektronike dhe Postare (ARKEP), autorizon dhe jep të drejtën e shfrytëzimit të resurseve frekuencore në brezin 900 dhe 1800 MHz Operatorit të telefonisë Mobile “**Telekomi i Kosovës**” Sh. A (tutje referuar si - Operatori) sipas kushteve në vijim të këtij AUTORIZIMI me qëllim të ofrimit të shërbimeve publike mobile tokësore brezgjëra - IMT, në tërë territorin e Republikës së Kosovës.
- 2) Kapacitetet frekuencore të dhëna në shfrytëzim për operatorin dhe periudha kohore janë përcaktuar në tabelën në vijim:

Tabela 1: Të dhënat për resurset frekuencore të përcaktuara për shfrytëzim për Operatorin “Telekomi i Kosovës Sh.A”

| Brezi frekuencor | Kapacitetet e përcaktuara frekuencore (MHz) | Rangu i kapaciteteve frekuencore të dhëna për shfrytëzim | Periudha kohore | Intervali i vlefshmërisë së Autorizimit |
|------------------|---|--|-----------------|---|
| 900 MHz | 2 x 10 MHz (20 MHz) | 890 - 900 & 935 - 945 MHz | 20 vite | 31.07.2019 deri më 30.07.2039 |
| 1800 MHz | 2 x 25 MHz (50 MHz) | 1760 - 1785 & 1855 - 1880 MHz | 20 vite | 31.07.2019 deri më 30.07.2039 |

- 3) Autorizimi Individual i specifikuar për operatorin, nuk mund të shitet, jepet me qera, të transferohet apo të jepet si garanci, pa miratimin paraprak nga ARKEP. Asnjë ndryshim i kontrollit të operatorit (Autorizuarit), qoftë i drejtëpërdrejt apo i tërthortë nuk mund të bëhet pa lejen paraprake me shkrim të ARKEP.
- 4) Obligohet Operatori që të zbatoj rekomandimet dhe standardet e CEPT-it, ETSI-it dhe ITU-së, të përshkruar në Planin e shpërndarjes dhe shfrytëzimit të radio frekuencave për brezet 900 dhe 1800 MHz të aprovuara me Vendimin nr.1337 (Ref. Nr.Prot.022/B/19), dhe Planin Kombëtar të Radio frekuencave (Ref. Vendim Nr. 04-V-93).
- 5) Obligohet Operatori që brenda periudhës kohore prej tre (3) muajsh nga data e lëshimit të këtij autorizimi të bëjë korrigjimet eventuale të skajeve të blloqeve frekuencore në përputhje me paragrafin 2) të këtij Autorizimi.
- 6) Operatori përderisa ofron shërbime të komunikimeve elektronike vetëm brenda brezeve frekuencore 900 MHz dhe 1800 MHz nuk do të ketë obligime shtesë për mbulueshmëri. Megjithatë Operatori duhet të siguroj se nuk do të ketë zvogëlim të mbulueshmërisë për territor dhe popullësi, si dhe degradim të kualitetit të shërbimeve. Pavarësisht kësaj, në rast të nevojave për mbulimin e zonave/hapësirave të caktuara me interes më të gjërë për

konsumatorët ARKEP në çdo kohë mund të konsideroj si të nevojshme vendosjen e obligimeve për mbulueshmëri dhe ngritjen e kualitetit të shërbimeve.

- 7) Operatori duhet të siguroj se sistemi mobil tokësor nuk shkakëton interferencë të dëmshme, e cila rezulton në zvoglimin e kualitetit ose operimin e rrjetave dhe/ose shërbimeve tjera të komunikimeve elektronike.
- 8) Operatori duhet të merr të gjitha masat dhe siguroj se sistemi mobil tokësor mund të bashkë-ekzistoj me sistemet aktuale dhe të ardhshme, të cilat operojnë në brezet fqinjë të radio spektrit frekuencor.
- 9) Obligohet Operatori që në emër të shfrytëzimit të kapaciteteve frekuencore prej 2x10 MHz në brezin 900 MHz dhe 2x25 MHz në brezin 1800 MHz të përcaktuara me këtë Autorizim të paguaj shumën prej **12,579,418.62 €** (Dymbëdhjetë milion e pesqind e shtatëdhjetë e nëntë mijë e katërqind e tetëmbdhjetë euro e gjashtëdhjetë e dy cent), pa përfshirë normën e interesit si në tabelën në vijim:

Tabela 2: Vlera e pagesës baze “One-Off “ për resurset frekuencore ne brezet 900 dhe 1800 MHz

| Brezet frekuencore | Kapacitetet e percaktuar frekuencore (MHz) | | Çmimi “On off” €/MHz/popullsia | Periudhe kohor | Vlera financiare e resurseve frekuencore |
|--|--|--------|--------------------------------|----------------|--|
| 900 MHz | 2 x 10 MHz | 20 MHz | 0.1410 | 20 vite | €5,590,852.72 |
| 1800 MHz | 2 x 25 MHz | 50 MHz | 0.0705 | 20 vite | €6,988,565.90 |
| Gjithesëj pagesa per kapacitet frekuencore ne brezet 900 dhe 1800 MHz | | | | | €12,579,418.62 |

- 10) Operatorit i lejohet mundësia e pagesës me dhjetë (10) këste vjetore të çmimit “one-off” sipas normës së interesit të Obligacioneve të Thesarit të Republikës së Kosovës në vlerë prej 5.28238%.
- 11) Obligohet Operatori që në emër të shfrytëzimit të kapaciteteve frekuencore të përcaktuara me këtë Autorizim të paguaj këstet vjetore duke përfshirë normën interesit si në tabelën në vijim:

Tabela 3: Vlera financiare me normë interesi resurseve frekuencore e ndarë për pagesë në 10 këste vjetore.

| Viti | $\frac{i}{1 - (1 + i)^{1-D}}$ | D | i | Pagesa e kësteve sipas viteve/Këstet (€) |
|------|-------------------------------|----|----------|--|
| 1 | 0.142464596 | 10 | 5.28238% | 1,257,941.86 |
| 2 | | | | 1,612,909.62 |
| 3 | | | | 1,612,909.62 |
| 4 | | | | 1,612,909.62 |
| 5 | | | | 1,612,909.62 |

| | | | | |
|----------------------|------------------------------------|--|--|----------------------|
| 12) O b l i | 6 | | | 1,612,909.62 |
| | 7 | | | 1,612,909.62 |
| | 8 | | | 1,612,909.62 |
| | 9 | | | 1,612,909.62 |
| | 10 | | | 1,612,909.62 |
| | Pagesa në 10 këste (Totali) | | | 15,774,128.41 |

gohet operatori që pagesën e këstit të parë në lartësi prej **1,257,941.86 €** (një milion e dyqind e pesëdhjet e shtatë mijë e nënqind e dyzet e një euro e tetëdhjetë e gjashtë cent) të realizoj brenda afatit prej gjashtëdhjetë (60) ditëve nga data e lëshimit të faturave.

13) Pavarësisht paragrafit 11 të ketij autorizimi, Operatori ka të drejtë të paguaj shumën e mbetur të pagesës se njëhershëme "One off fee" të parapara për vitet e ardhshme me njoftim paraprak prej së paku 3 (tre) muajve para afatit të pagesës për këstin e radhës. Në këtë rast ARKEP nuk do të aplikoj normën e interesit për këstet e viteve të ardhshme, duke përjashtuar këstin e radhës pas marrjes së njoftimit.

14) Faturat për pagesat e kësteve do të lëshohen nga ARKEP më datë 30 Qershor të cdo viti.

15) Në rast se operatori nuk e përmbush obligimin për pagesë, atëherë ARKEP do të veproj si në vijim:

- a) Për çdo vonesë në pagesa do të aplikohet kamata ligjore prej 8% për shumën e fatuar;
- b) Në qoftë se për dy vite me radhë operatori nuk i kryen pagesat e përcaktuara me këtë Vendim, ARKEP nëpërmjet procedurës së përmbarimit do të ekzekutoj tërë shumën e mbetur duke përfshirë normën e aplikuar të interesit.

16) Obligohet Operatori që të kryej pagesat vjetore për mbikëqyrje të shfrytëzimit të radio-frekuencave për kapacitete frekuencore ne shfrytëzim ne brezet 900 dhe 1800 MHz në përputhje me Rregulloren Nr. 35. Për "Pagesat vjetore për mbikëqyrje dhe për të drejtën e përdorimit të radio frekuencave" (Ref Nr. Prot. 005/ B/18; dt.19/ 01 /2018) dhe Nr. 22. për "Dhënien dhe Shfrytëzimin e Radio Frekuencave"(Ref. Nr. Prot. 54/ B/13; dt.31/ 12 /2013).